

2014-imi inuusuttut ilinniarnert suliffeqarnerallu

2014-ip naanerani kalaallit inuusuttut 16-it 25-illu akornanni ukiullit 5.795-it imaluunniit 65 procentii ilinniarnert suliffeqarfinnulluunniit atassuteqarput.

Inuusuttut pineqartut 614-it Kalaallit Nunaata avataani efterkolenik ilinniakkanillu ingerlataqarsimapput. Kalaallit Nunaanni inuusuttut najugaqavissut qiviassagaanni 62 procentii ilinniakkanik ingerlataqanngikkunik suliffeqartuupput. Aggvaqatigiissinneralu tamanna 2009-mit 2010-mi ineriartornermut sanilliullugu 6 procentimik appariarsimavoq. Najugaqavissut amerlassusaat ukiut ingerlanerini allanngorsimavoq, ukiunilu tulleriinni 2014-imi 8.034-iullutik ikinnerpaasimapput.

Najugaqavissut inuusunnerusut 16-it 18-illu akornanni ukiullit qiviassagaanni 567-it imaluunniit 27 procentit 2014-ip naanerani ilinniakkanik ingerlataqarsimapput, inuusunnerusullu 1.075-it ilinniakkanik ingerlassinatillu suliffeqarsimannngillat. Taakku aggvaqatigiissinnerat 2009-mut sanilliullugu 8 procentpointinik qaffariarsimapput. Tamakkiisumik kisitsit ukiut ingerlanerini appariarsimavoq suliffeqartullu amerlassusaat affaannanngorsimalluni.

Inuusuttut ilinniarnert suliffeqarnerallu

Saqqummersitami uani kalaallit inuusuttut suliffeqarfinnut ilinniarnert suliffeqarfinnulluunniit attuumassutillit saqqummiunneqarput. Inuusuttut ilinniakkanik ingerlataqanngitsut suliffeqanngitsulluunniit inuusuttut sullinniakkani eqqaaneqarput. (Ungemålgruppe).

Tabel 1. Inuusuttut 16-it 25-illu akornanni ukiullit ukiup naalernerani

	2010	2011	2012	2013	2014
Efterskoleni	289	322	327	350	342
Inuusuttunut ilinniarnert	2.076	2.215	2.162	2.043	1.919
Ingerlaqqiffiusumik ilinniarnert	456	457	499	538	536
Suliffeqartut	3.349	3.306	3.115	3.098	2.998
Inuusuttut sullinniakkani	2.988	2.960	3.096	3.123	3.126
Katillugit	9.158	9.260	9.199	9.152	8.921

Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG3>)

Nalunaarut: Pineqartut Kalaallit Nunaata avataani efterkolenik ilinniakkanillu aallutaqartut tabelimi ilanngunneqarput.

Inuusuttut sullinniakkat tassaapput inuusuttut suliffeqanngitsut aammalu inuusuttut suliffissarsiunngitsut. Inuusuttunilu sullinniakkani ilinniakkamik ingerlataqartutut nalunaarsukkat Ilinniagaqarnersiuteqartitsivimmili nalunaarsorsimanngitsut nassaassaapput.

Naatsorsueqqissaartarfik siullermeerluni kalaallinut inuusuttunut naatsorsuutiniq saqqummersitsivoq. Naatsorsuineq ukiumut nutarterluni aammalu ukiumoortumik sammisamik imaqarluni saqqummertassaaq. Assersuutigalungu sammineqartassapput inuusuttut ukiut ingerlanerini sullinniakkani uninngaannarnersut imaluunniit inuusuttup sullinniakkanut ukioq sioqqullugu atassuteqarnera.

Inuusuttut Kalaallit Nunaanni najugaqavissut

Ataani tabelimi takuneqarsinnaapput najugaqavissut pineqartut 16-it 25-illu akornanni ukiullit qanoq agguaassimani. Pineqartoq najugaqavissutut naatsorsugaavoq ukiumi kisitsiviusup aallartinnerani naalerneranilu Kalaallit Nunaanni najugaqartutut nalunaarsorsimappat. Inuusuttut ilinnakkanik aallutaqartut suliffeqartullu ilinniakkamik aallutaqartutuinnaq tabel 9. malillugu nalunaarsorsimapput.

Tabel 2. Najugaqavissut 16-it 25-illu akornanni ukiullit


	2009	2010	2011	2012	2013	2014
Ilinniartut	1.990	2.072	2.266	2.239	2.165	2.046
Suliffillit	3.575	3.323	3.246	3.070	3.043	2.934
Inuusuttut sullinniakkat .	2.631	2.981	2.900	3.051	3.077	3.054
Katillugit	8.196	8.376	8.412	8.360	8.285	8.034

Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

Ilinniartut amerlassusaat ukiut arfinillit ingerlanerini aalaakkaasumik ingerlasimagaluartoq inuusuttut suliffillit 2009-imut naleqqiullugit 2014-imi 641-inik ikinnerusimapput. Najugaqavissut amerlassusaat ukiut ingerlanerini allangorsimavoq ukiunilu tulleriaanni 2014-imi ikinnerpaasipput.

2014-imi nunaqavissut pineqartut 8.034-it ataani assiliartalerneqarput. Inuusuttut ilinniakkanik ingerlataqartut efterkoleni, inuusuttunut qaffassarluni ilinniarfinni aammalu ingerlariaqqiffiusumik ilinniarfinni agguanneqarput.

Titartagaq 1. 2014-imi najugaqavissut 16-it 25-illu akornanni ukiullit




Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

2014-ip naalernerani 26 procentit Kalaallit Nunaani efterkolini, inuusuttunut qaffassarluni ilinniartut imaluunniit ingerlariaqqiffiusumik ilinniartut ilinniartut.

3.054-it ukiup naalernerani ilinniartut ingerlataqaratillu suliffeqarsimangillat, taamaattumillu inuusuttut najugaqavissut 2014-imi inuusuttut sullinniakkat 38 procentiupput. 2009-mit 2010-mut ineriartormik pissuteqartumik 2009-mili 6 procentpointinik qaffariartoqarsimavoq.

Ataani takuneqarsinnaapput 2014-imi inuusuttut agguassimaneri, ukiut nalunaarsugaanerlu malillugit.

Titartagaq 2. 2014-imi najugaqavissut agguarneri, ukiut nalunaarsugaanerlu malillugit




Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

Ilinniartut ingerlatallit agguaqatigiissinnerat ukioqqortusiartorneri malillugit 2014-imi appariartorpoq. 16-inik ukiullit 30 procentii ilinniakkani ingerlataqarput 25-inillu ukiullit 21 procentii ingerlataqarlutik. Suliffillit agguaqatigiissinnerat ukioqqortusiartorneri malillugit qaffakkiartorpoq. 18-

inillu ukiullit akornanni inuit amerlassusaanni sisamaata missaat suliffeqartarpoq, 25-illi akornanni ukiullit inuit amerlassusaanni aappaata missaat suliffeqartarluni. Inuusuttut sullinniakkat agguaqatigiissinnerat ukiut amerliartornerini appariartorput. 16-inik ukiullit affaat sinnerlugu suliffeqanngikkunik ilinniartuupput, 25-inillu ukiulinni inuit amerlassusaanni pingajuat 2014-ip naalernerani inuusuttuni sullinniakkaniissimalluni.

2014-imi angutit 4.054-it aammalu arnat 3.980-it agguaanneri ataani titartakkami takuneqarsinnaapput.

Titartagaq 3. 2014-imi najugaqavissut 16-nit 25-illu akornanni ukiullit agguaanneri, suaassuseq malillugu



Najoqquataq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

2014-imi inuusuttuni sullinniakkani angutit arnallu 38 procentinik annertoqatigiipput. Assigiinngissut takuneqarsinnaavoq suliffillit ilinniartullu sanilliuinnerisigut. Ukiup naalernerani angutit suliffillit 40 procentimik annertunerusimapput, arnat suliffillit 33 procentinik annertussuseqarsimallutik. Akerlianik arnat 29 procentii ilinniartuusimapput angutillu 22 procentii ilinniartuusimallutik.

Inuusuttut 16-it 18-illu akornanni ukiullit

2009-mit 2014-imut najugaqavissut 16-it 18-illu akornanni ukiullit ataani tabelimi takuneqarsinnaapput.


Tabel 3. Najugaqavissut 16-it 18-illu akornanni ukiullit

	2009	2010	2011	2012	2013	2014
Efterskoleni	65	72	109	104	123	135
Ilinniartut	468	502	552	528	496	432
Suliffillit	802	717	624	498	482	432
Inuusuttut sullinniakkat ...	1.047	1.089	1.008	1.064	1.068	1.075
Katillugit	2.382	2.380	2.293	2.194	2.169	2.074

Najoqquataq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

Pingaartumik ukiuni 2009-mit 2012-imut inuusunnerit suliffillit agguaqatigiissinnerat malunnartumik allanngoriaateqarsimavoq. Ukiut ingerlanerini pineqartut efterkolertut ilinniartullu 5 procentpointinik qaffariaateqarsimapput. Qaffariaat 2011-mi Maniitsumi efterkoleqalerneranik pisuusimassaaq. 2009-mi suliffillit 34 procentusimapput 2014-mi 21 procentusimallutik.

Titartagaq 4. 2009-mi 2014-imilu najugaqavissut 16-it 25-illu akornanni ukiullit




Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

Ukiut arfinillit ingerlanerini inuusuttut sullinniakkat agguaqatigiissinnerat 8 procentpointinik qaffariarsimavoq, 2014-imilu 52 procentiat inuusunnerusuninngaanneersimalluni.

Ataani titartakkami takuneqarsinnaapput najugaqavissut inuusunnerit agguaaneri, suaassuseq malillugu. 2014-imi 16-it 18-illu akornanni ukiullit nukappiaqqat 1.017-iusimapput nivarsiaqqat 1.057-iusimallutik.

Titartagaq 5. 2014-imi najugaqavissut 16-it 18-illu akornanni ukiullit agguaaneri, suaassuseq malillugu




Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

2014-imi nukappiaqqat 56 procentii inuusuttuni sullinniakkaniipput 23 procentiilu ilinniakkanik ingerlataqartuusimallutik. Niviarsiaqqani ilinniakkanik ingerlatallit amerlanerusimapput, tassani missiliorlugu inuit amerlassusaanni pingajuat ilinniartuusimalluni 20 procentiilu suliffeqarsimapput aammalu 48 procentii inuusuttuni sullinniakkaniissimallutik.

Nunap kommuniini inuusuttut

2014-imi kommunit sisamat ataani titartakkami takuneqarsinnaapput. Kommunini akornanni eqimattakkaarlutik agguaqatigiissinnerisa assigiingissutaat tassani takuneqarsinnaapput.

Titartagaq 6. 2014-imi najugaqavissut 16-it 25-illu akornanni ukiullit agguaaneri, kommunit malillugit




Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

Kommuni Kujallermi ilinniartut agguaqatigiissinnerat ukiup naalernerani 33 procentiulluni annerpaasimavoq suliffillillu 31 procentiusimalluni. Qeqqata Kommuniani agguaqatigiissillugu 42 procentinik annertunerpaalluni sulisoqarsimavoq tamannalu ilutigalugu inuusuttut sullinniakkat agguaqatigiissinnerat kommunimi minnerpaasimalluni. 2014-ip naalernerani Qaasuitsup Kommuni inuusuttut sullinniakkat agguaqatigiissinnerat 44 procentiulluni annertunerpaasimavoq.

Najugaqavissut 16-it 18-illu akornanni ukiullit agguaaneri kommuni najugaqarfik malillugu ataani titartakkami takuneqarsinnaapput.

Titartagaq 7. 2014-imi najugaqavissut 16-it 18-illu akornanni ukiullit agguanneri, kommunit malillugit



Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG1>)

Inuusunnerit 16-it 18-illu ukiullit qiviassagaanni Kommuni Kujallermi ilinniakkanit ingerlatsisut agguaqatigiissinnerat 36 procentiulluni annerpaasimavoq. Qeqqata Kommunian inuusuttut sullinniakkat 43 procentiusimapput, taamaalilluni kommunimi pineqartut agguaqatigiissinnerat minnerpaasimalluni. Qaasuitup Kommunian aammalu Kommuneqarfik Sermersuumi inuusuttut 16-it 18-illu akornanni ukiullit affaat sinnerlugit ukiup naalernerani ilinniartuunatillu suliffeqarsimanngillat. Qaasuitsup Kommunian agguaqatigiissinnerat 59 procentiulluni annerpaasimavoq.

Inuusuttut angerlamut utersimasut

Ataani tabelimi takuneqarsinnaapput ukiup naalernerani pineqartut ukiumi kisitsiviusumi Kalaallit Nunaata avataani ilinniakkanik unitsitsisimasut naammassinnissimasulluunniit ukiup naalernerani Kalaallit Nunaanni najugaqalersimasut.

Tabel 4. Ukiup naalernerani angerlarsimasut 16-it 25-illu akornanni ukiullit, ukiup ingerlanerani Kalaallit Nunaata avataani ilinniakkanik ingerlatsisimasut

	2010	2011	2012	2013	2014
Ilinniartut	15	93	98	87	79
Suliffillit	26	60	45	55	64
Inuusuttut sullinniakkat	7	60	45	46	72
Katillugit	48	213	188	188	215

Nalunaarut: Kisitsisit pineqartut Kisitsisaataasivimmiingillat

Inuusuttut ilaat Kalaallit Nunaanni ilinniakkanit ingerlataqartutut aammalu ukiup kisitsiviusup ingerlanerani Kalaallit Nunaata avataani ilinniakkanik

ingerlataqarsimannngitsut najugaqavissuunngitsutullu allassimapput. Taakku ataani takuneqarsinnaapput.

Tabel 5. 16-it 25-illu akornanni ukiullit ukiup naalernerani ilinniakkanik ingerlatsisut najugaqavissuunngitsullu siornatigut Kalaallit Nunaata avataani ilinniakkanik ingerlataqarsimannngitsut


2010	2011	2012	2013	2014
147	59	57	60	58

Nalunaarut: Kisitsisit pineqartut Kisitsisaataasivimmiingillat

Kalaallit Nunaata avataani ilinniakkanik ingerlassisut

Ataani takuneqarsinnaapput kalaallit inuusuttut efterskolenik, inuusuttunut qaffassarluni ilinniakkanik imaluunniit ingerlariaqqiffiusumik ilinniakkanik Kalaallit Nunaata avataani ingerlataqartut amerlassusaat.

Titartagaq 8. 16-it 25-illu akornanni ukiullit Kalaallit Nunaata avtaani ilinniakkanik ingerlassisut



Najoqqutaq: Naatsorsueqqissaartarfik – kisitsisaataasivik takujuk: (<http://bank.stat.gl/UDNUMG3>)

2014-ip naalernerani inuusuttut 614-it Kalaallit Nunaata avataani efterskolenik ilinniakkanilluunniit allanik ingerlataqarsimapput. Taakku amerlassusaat aalaakkaangaatsiartumik ingerlasimavoq. 2010-mi siullermeerluni efterkolenik ingerlataqartut ilanngunneqarsinnaanerit ajornarunnaarsimavoq.

Inuusuttut tamakkerlutik

Inuusuttut tamakkerlugik inuusuttunut najugaqavissunut sanilliukkaanni eqimattat akornanni agguaqatigiissinnerat allanngortarpoq. 2014-imi inuusuttut ilinniakkanik ingerlatallit 31 procentit najugaqavissut kisiisa isigalugit missiliorlugu 5 procentpointinik annertunerupput. 2014-imi

inuusuttut sullinniakkat agguaqatigiissinnerat 35 procentimittoq Kalaallit Nunaanni najugaqavissut agguaqatigiissinnerat 38 procentimiippoq.

Ataani takuneqarsinnaapput inuusuttut matumani nalunaarsukkat, eqimattanut sisamanut agguaallugit: Najugaqavissut, angerlamut utersimasut aammalu siornatigut ilinniakkanik ingerlataqarsimasut, ukiumi kisitsiviusumi angerlamut utersimasut ilinniakkanik ingerlataqarsimanngitsut kisiannili ukiup naalernerani ilinniakkanik ingerlataqartut aammalu Kalaallit Nunaata avataani ilinniakkanik ingerlatallit.

Tabel 6. Inuusuttut 16-it 25-illu akornanni ukiullit

	2010	2011	2012	2013	2014
Najugaqavissut	8.376	8.412	8.360	8.285	8.034
Angerlamut utersimasut, ilinniakkanik ingerlataqarsimasut	48	213	188	188	215
Angerlamut utersimasut ukiullu naalernerani ilinniakkanik ingerlatallit	147	59	57	60	58
Kalaallit Nunaata avataani ilinniakkanik ingerlatallit	587	576	594	619	614
Alle	9.158	9.260	9.199	9.152	8.921

Nalunaarut: Kisitsisit pineqartut Kisitsisaataasivimmiinngillat

Nalunaarsuutit tunngaviusut

Una saqqummersitaq inuusuttut suliffeqarnermut ilinniartitaanermullu attuumassuteqartunut paasissutissiivoq. Ukiumi kisitsiviusumi naatsorsuutini pineqarput ukiup naalernerani 16-it 25-illu akornanni ukiullit aammalu tunngavilersuutinik ataani taaneqartunik naammassinnissimasut:

1. Ukiup aallartinnerani naanerani Kalaallit Nunaanni inunnik nalunaarsuiffimmi (najugaqavissutut) allassimaneq
2. Ukiup naalernerani Kalaallit Nunaanni inunnut nalunaarsuiffimmi allassimaneq aammalu ukiup kisitsiviusup ingerlanerani Kalaallit Nunaata avataani efterskolemik ilinniakkamilluunniit ingerlatsisimalluni naammassinnissimaneq imaluunniit unitsitsisimaneq
3. Ukiup naalernerani Kalaallit Nunaanni inunnut nalunaarsuiffimmi allassimaneq ilinniakkamillu ingerlatsisutut nalunaarsorsimaneq , ukiullu naalernerani Kalaallit Nunaanni ilinniarfimmik naammassinnissimanninneq imaluunniit ukiup ingerlanerani Kalaallit Nunaata avataani efterkolemik ilinniakkamilluunniit ingerlatamik unitsitsisimaneq
4. Ukiup naalernerani Kalaallit Nunaanni inunnut nalunaarsuiffimmi allassimanninneq kisiannili ukiumi kisitsiviusumi qaammat decembarimi Kalaallit Nunaata avataani efterkolemik ilinniakkamilluunniit ingerlataqartutut nalunaarsorsimaneq

Inuusuttut qulaani pineqartunik naammassinnissimasut amerlassutsini taaneqarput. Ukiup naalernerani kisitsinerit toqqarneqarput Naatsorsueqqissaartarfiup ilinniartitaanermut kisitsisitigut paasissutissai naatsorsuutit pineqartumi naatsorsorneqartarmata aammalu suliffeqarnermut kisitsisitigut paasissutissat ukiumoortumik naatsorsorneqartarmata. Inuttaasunut kisitsisitigut paasissutissat ukiup kisitsiviusup aallartinnerani naatsorsorneqartarput taamaattumillu innuttaasut amerlassusaat ukiup naalernerani ukioq X nalinnaasumik inuttaasut amerlassusaat ukiup aallartinnerani ukioq X+1-ip assigaa.

Efterkoloni aammalu ilinniarfinni ingerlatsisutut nalunaarsukkani pineqarput Oqaatsinik Pikkorissarfimmi, Ilinniartitaanermut Naalakkarsuisoqarfimmi aammalu Ilinniagaqarnersiuteqartitsivimmi (USF-imi) nalunaarsorsimasut.

Ukiunut killiliussat aalajangerneqarput Meeqqat Atuarfianni 10.klassertut nalinnaasumik atuartup 16-iliinerani naammassineqartarmat aammalu 25-inik ukiullit inuusunnerusulluunniit illoqarfiit ilaanni Piareersarfinnut Suliffissarsiuussisarfinnuunngitsoq innersuunneqartarmata.

Inuusuttut amerlassusaanni ilinniagaq naammassisimasaq qaffasinnerpaaq ukiup kisitsiviusup naalernerani naatsorsorneqarpoq. Ilinniakkat qaffassarfiusut saniatigut ilinniarnertuunngorniarfiit ilinniakkani naammassisimasuni ilaatinneqarput. Aammattaaq nalunaarsorneqarput inuusuttut ukiumi kisitsiviusumi qaammat decembarimi ilinniartut, suliffillit imaluunniit taaneqartunik ingerlataqanngitsut. Nalunaarsukkanilu

salliutinneqarput taaneqareersut tulleriaarneri pineqartoq ilinniarfimmik ingertaqarlutik suliffeqartut *ilinniartutuinnaq* taaneqarmata. Ataani takuneqarsinnaapput ilinniakkanik ingerlatsillutik aamma suliffeqartut.

Tabel 7. Pineqartut ilinniakkanik ingerlatsisut suliffillit

	2009	2010	2011	2012	2013	2014
16-18 inik ukiullit	207	198	250	198	187	157
16-25-nik ukiullit	1.081	1.050	1.146	1.058	1.002	895

Nalunaarut: Kisitsisit pineqartut Kisitsisaataasivimmiingillat

Inuusuttut suliffeqaratillu ilinniakkanik ingerlatsinngitsut inuusuttunik sullinniakkanik taaneqarput. Inuusuttuni sullinniakkani pineqarput inuusuttut suliffissaaleqisut aammalu inuusuttut suliffissarsiunngitsut. Inuusuttut suliffissarsiunnginnerannut patsisaasut assigiinngitsuusinnaapput, soorlu naartunermik imaluunniit siusinaartumik soraarnerussutisiaqarnermik peqquteqarsinnaallutik. Inuusuttuni sullinniakkani nassaassaapput pineqartut ilinniakkanik ingerlatsisut Ilinniagaqarnerisuteqartitsiviup nalunaasuiffiani allassimangitsut, Piareersarfinni suliffeqarfinniluunniit ingerlatsisut imaluunniit suli Meeqqat Atuarfiannik ingerlatsisut. Nalunaarsuutit taakkununga tunngasut naammattuunngikkunik nassaassaangillat, kisiannili nalunaarsuutini tulliuttussani ilaatinneqarnissaat sulissutigineqarpoq.

Killiliineq

Inuusuttut Kalaallit Nunaanniittut ilaat ukiuni kisitsiviusuni amerlassutsinut ilaatinneqanngillat. Tassani pineqarput ataani taaneqartuni tunngavilersuutinik minnerpaamik ataatsimik naammassinnissimasut:

- Ukiup naalernerani kommunit agguannerisa avataanni najugalittut allassimasut
- Ukiup kisitsiviusup ingerlanerani Kalaallit Nunaannut nunasisimasut taamatullu ukiumi kisitsivimmi Kalaallit Nunaata avataani efterskolemik ilinniakkamilluunniit ingerlataqarsimanngitsut aammalu ukiup naalernerani ilinniakkamik ingerlataqanngitsut
- Ukiup kisitsiviusup ingerlanerani Kalaallit Nunaannit nunasiartorsimasut aammalu qaammat decembarimi efterskolenik ilinniakkanilluunniit ingerlataqanngitsut
- Ataani takuneqarsinnaapput pineqartut amerlassusaat amerlassutsinut ilaatinneqanngitsut. 2009 aammalu 2010 akornanni kisitsisinut peqqutaavoq Qallunaat Nunaanni efterkoleni naammassisunut unitsitsiinnartunullu nalunaarsuutit aatsaat ukiumi atuarfiusumi 2009/2010-mi tigussaalersimmamata.

Tabel 8. Pineqartut amerlassutsinut ilaatinneqanngitsut

	2009	2010	2011	2012	2013	2014
Komminut agguaannerisa						
avataaniittut	10	9	14	21	29	11
Kalaallit Nunaannut						
nunasisimasut	493	415	314	265	252	290
Kalaallit Nunaannit						
nunasiartorsimasut	497	279	286	369	295	304
Katillugit	1.000	703	614	655	576	605

Nalunaarut: Kisitsisit pineqartut Kisitsisaataasivimmiinngillat

Periaatsip nassuiarnera

Matumani nalunaarsuutit naatsorsuutitut suliarineqartunut atorneqartut tassaapput:

- Naatsorsueqqissaartarfiup innuttaasunut nalunaarsuiffia
- Ilinniartitaanermut Naalakkersuisoqarfiup aammalu Oqaatsinik Pikkorissarfiup Kalaallit Nunaanni Qallunaat Nunaannilu efterskoleni atuartunik nalunaarsuiffii
- Ilinniagaqarnersiuteqartitsiviup (USF-ip) nalunaarsuiffia
- Naatsorsueqqissaartarfiup suliffilinnut nalunaarsuiffia
- Naatsorsueqqissaartarfiup ilinniakkanut naammassineqarsimasunut qaffasinnerpaanut nalunaarsuiffia
- Naatsorsueqqissaartarfiup nuuttarnernut nalunaarsuiffia

Inuusuttut ukiup kisitsiviusup naalernerani 16-init 25-inut ukioqalersimasut amerlassutsinut marlunnut agguaanneqarput. Amerlassutsimi siullermi Kalaallit Nunaanni najugaqavissut pineqarput, amerlassutsillu aappaanni Kalaallit Nunaanni avataanilu ilinniakkanik ingerlassisut aammalu pineqartut angerlamut utersimasut Kalaallit Nunaanni najugaqartut ukiup naalernerani efterkolenik ilinniakkanilluunniit unitsitsisimasut naammassinnissimasulluunniit imaluunniit Kalaallit Nunaanni avataanilu ilinniakkanik ingerlataqartut.

Najugaqavissut

Uani amerlassutsit tunngavigisaat tassaapput najugaqavissut. Najugaqavissutut taaneqarput pineqartut ukiumi kisitsiviusumi ukiup aallartinnerani naalerneranilu Kalaallit Nunaanni najugalittut nalunaarsukkat. Pineqartut ukiup kisitsiviusup naalernerani najugarisaat malillugit agguaanneqarput. Efterskoleniinneq akunnikkallarnertut taaneqarpoq aammalu piumasaqaataanngilaq atuartut najukkami adressiat allanngortissagaat taamaattumillu kommunimi najugaqarfimmi nalunaarsugaasinnaallutik. Taamatuttaaq ilinniakkanik ingerlatsisut illoqarfimmi ilinniartarfiup sumiiffiginngisaaniissinnaapput illoqarfimmi allami praktickersinnaasaramik.

Ilinniakkanik ingerlatsisut efterskolenu, inuusuttunut qaffassarluni ilinniarfinnut imaluunniit ingerlariaqqiffiusumik ilinniarfinnut agguanneqarput. Kalaallit Nunaanni efterskoleni nalunaarsuutit atuarfiit aallartinnerini nassaassaapput. Villads Villadsenip efterskolea ukiumi atuarfiusumi 2009/2010-mi ammarneqarpoq Maniitsumilu efterskoli ukiumi atuarfiusumi 2011/2012-imi ammarneqarluni. Ukiumit atuarfiusumit 2013-2014-imit Kalaallit Nunaanni efterskoleni atuartut sapaatip akunnikkaarlugit naatsorsorneqartalerput nalunaarsuutillu tamanna sioqqullugu ukiup atuarfiusup naalernerani naatsorsorneqartalerlutik.

Tulliullugit pineqartut ukiumi kisitsiviusumi qaammat decembari suliffeqarnermut nalunaarsuiffimmi najugaqavissutut *suliffilinnut* killilerneqarput. Pineqartut ilinniakkanik ingerlataqanngitsut suliffeqanngitsulluunniit *inuusuttunut sullinniakkanut* nalunaarsorneqarput.

Pineqartut ilinniakkanut naammassisimasanut qaffasinnerpaanut ilinniarnertuunngorniarfinnut, inuussutissarsiornermik ilinniarfinnut, ingerlariaqqiffiusumik ilinniarfinnut aammalu ilinniagaqarsimannngitsunut agguarneqarput. Pineqartup iliniakkani naammassisimasa qaffasinnerpaaq qaffassarluni pikkorissarneruppat Ilinniartitaanermut Naalakkersuisoqarfiup isumaqatigiissuteqarfigineqartigut ilinniarnertuunngorniarfiit ataaniittutut inissinneqassaaq. Qaffassarluni pikkorissarnerit ISCED2011 malillugu qaffasissuseq 4-imiipput taamatullu ilinniarnertuunngorniarfinni ilinniarsimanissaq tigusaanissamut piumasaqaataalluni.

Najugaqavissut, Kalaallit Nunaanni avataanilu ilinniakkanik ingerlatsisut aammalu ilinniakkanik unitsitsisimallutik

naammassinnissimallutilluunniit angerlamut utersimasut

Qulaani pineqartut saniatigut amerlassutsit 16-init 25-nullu ukiullit ilaat makkunanga ilaqarput:

- Efterskoleni imaluunniit Ilinniagaqarnersiuteqartitsiviup nalunaarsuiffiani Kalaallit Nunaata avataani ingerlatallit
- Angerlamut utersimasut ukiup kisitsiviusup ingerlanerani Qallunaat Nunaanni efterskoleni unitsitsisimasut naammassinnissimasulluunniit imaluunniit Ilinniagaqarnersiuteqartitsiviup nalunaarsuiffiani Kalaallit Nunaata avataani ilinniakkanik ingerlatsisutut allaqqasut
- Kalaallit Nunaanni efterskoleni ilinniakkanik ingerlatallit najugaqavissuunngitsut imaluunniit Ilinniagaqarnersiuteqartitsiviup nalunaarsuiffiani Kalaallit Nunaanni ilinniartut

Pineqartoq ukiup kisitsiviusup naalernerani Kalaallit Nunaanni najugaqartutut nalunaarsorsimappat aammalu Kalaallit Nunaata avataani ilinniakkanik ingerlatsilluni taaneqartumut kingullermik nalunaarsorneqassaaq.

Pineqartut ukiumi kisitsiviusumi Kalaallit Nunaata avataani efterskolenu ilinniakkanilluunniit unitsitsisimasut naammassinnissimasulluunniit nunasisunut naatsorsuutinut ilaatinneqarput. Pineqartullu ukiup naalernerani

Kalaallit Nunaanni najugallit amerlassutsinut ilaatinneqarput. Ilanngullugulu misissorneqarput pineqartut ukiup naalernerani ilinniakkanik ingerlatsinersut suliffeqarnersulluunniit, taamaangippallu inuusuttunut sullinniakkanut nalunaarsorneqarput.

Pineqartut ukiup naalernerani Kalaallit Nunaanni ilinniartutut nalunaarsorsimasut ukiulli aallartinnerani najugaqartutut nalunaarsorsimanngitsut innuttaasut nalunaarsuiffiannut atassuserneqarput. Pineqartut ilinniakkanik ingerlatsisutut efterskoleni, inuusuttunut qaffassarluni ilinniartinnit aammalu ingerlariaqqiffiusumik ilinnarfinni agguanneqarput.

Eqimattat taakku marluk najugaqavissunut ilanngunneqarput. Pineqartut ilinniakkanut naammassisimasanut qaffasinnerpaanut ilinniarnertuunngorniartinnit, inuussutissarsiornermik ilinnarfinnut, ingerlariaqqiffiusumik ilinnarfinnut aammalu ilinniagaqarsimanngitsunut agguanneqarput. Pineqartup iliniakkani naammassisimasaa qaffasinnerpaaq qaffassarluni pikkorissarneruppat Ilinniartitaanermut Naalakkersuisoqarfiup isumaqatigiissuteqarfigineqartigit ilinniarnertuunngorniartinnit ataaniittutut inissinneqassaaq. Qaffassarluni pikkorissarnerit ISCED2011 malillugu qaffasissuseq 4-rimiippat taamatullu ilinniarnertuunngorniartinnit ilinniarsimanissaq tigusaanissamat piimasaqaataalluni.

Ataani takuneqarsinnaapput pineqartut qaffasinnermik pikkorissarsimasut aammalu pineqartut *ilinniarnertuunngorniartinnit naammassillutik ilinniarsimasut* amerlassusaat.

Tabel 9. Pineqartut ilinnikkanik qaffasinnerpaanik ISCED2011 qaffasissuseq 4 malillugu naammassinnissimasut

	2009	2010	2011	2012	2013	2014
Niuernermut tunngasunik						
qaffassarluni ilinnarfinni	27	16	18	27	31	35
ilinniarnertuunngorniartinnit						
qaffassarluni pikkorissarfinni	52	69	72	67	73	60
Katillugit	79	85	90	94	104	95

Nalunaarut: Kisitsisit pineqartut Kisitsisaataasivimmiingillat

Efterskoleni Qallunaat Nunaanniittuni naammassisimasunut unitsisimasunullu ukioq atuarfiusoq 2010/2011 sioqqullugu nalunaarsuuteqanngilaq. Taamaallaat takuneqarsinnaapput tapiissutinut akuersissuteqartoqarsimanersoq. Taamaattumik tamakkiisumik amerlassutsit naatsorsornerat najugaqavissut naatsorsuutaannit ukiumik ataatsimik kingulliullutik aallartinneqarput.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse

Daniela Sveegaard
E-mail: DANS@stat.gl

2014-imi inuusuttut ilinniarnerat suliffeqarnerallu

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

